



Komunikado

24 febrüari 2022

Cft: "Usa rekuperashon ekonómiko pa pone presupuesto na òrdu"

Philipsburg – E entradanan di impuesto di Sint Maarten ta kedando atras kompará ku e kresementu ekonómiko. Pa 2022, apesar di un kresementu ekonómiko real di 12 porshento, e pais ta premirá un défisit substansial riba presupuesto. Cft ta insistí serka e pais pa e limitá su gastunan i hisa su entradanan di impuesto tumando medidanan pa mehorá kumplimentu ku impuesto (compliance). Por ehèmpel introdukshon di impuesto di kasino i eliminashon di e eksonerashon di impuesto riba benta por ta bon paso den e proseso pa logra esaki.

Ekonomia ta rekuperando konsiderablemente. Den 2021 ekonomia di Sint Maarten a krese ku 4 porshento i pa e aña aki IMF ta premirá un kresementu di 12 porshento. Di esun banda esaki ta resultado di rekuperashon di turismo i di e otro un banda pasobra trabounan di rekuperashon, manera rekonstrukshon di aeropuerto, ta pasando den un aselerashon. Invershonannan privá tambe ta demonstrá un aselerashon substansial den 2022. Sint Maarten lo mester usa e rekuperashon ekonómiko aki pa pone finansa públiko na òrdu.

Presupuesto 2022 i siguiente añanan

Riba 4 di febrüari Sint Maarten a risibí aprobashon di Konseho di Minister di Reino pa desviá di e normanan presupuestario sentral pa aña 2022. E presupuesto aprobá di 2022 ta muestra un défisit di ANG 124 mion riba e kuenta komun. Sint Maarten por realisá un défisit mas abou den kaso ku awor e e limitá su gastunan i hisa su entrada. Pa loke ta trata e gastunan Cft ta insistí riba prinsipalmente bahamentu di gastunan di produkto i servisio. Cft ta enfatisá ku ta di suma importansia pa yega den 2023 na un kuenta komun balansá i den e añanan despues na surplus, di moda ku por kuminsá paga e debe nashonal. Asina ei Sint Maarten mester paga den 2025 un debe di ANG 73,5 mion ku ta prosedente ainda di e saneamentu di debe di 2010. Mas aleu ta di importansia pa Sint Maarten duna sufisiente akklarashon di e invershonnan ku e tin planeá den presupuesto 2022 i pa e añanan despues. Den konsulta ku Hulanda lo mester mira despues si Sint Maarten lo por hasi fianza pa invershonnan di kapital, antispando riba un ekilibrio riba e servisio komun den 2023.

Hisa entrada di impuesto

Internashonalmente mirá tambe, e entradanan (di impuesto) na Sint Maarten kual ta suma aproksimadamente 20 porshento di Produkto Interno Bruto (pib) ta basta abou. Esaki ta preokupante, pasobra Sint Maarten no ta generá sufisiente entrada pa por kubri e gastunan anual i generá surplus. P'esei ta importante pa Sint Maarten riba término kòrtiku duna kontenido na e rekomendashonnan den e relato di maart 2021 di IMF tokante di reforma di impuesto. Cft ta konsehá entre otro pa implementá e rekomendashonnan di impuesto pa kasino, subimentu di akseins i introdukshon di derecho di importashon riba merkansia. Aktualmente personanan privá na Sint Maarten ta haña dispensashon di pago di derecho di importashon riba merkansia. E situashon aki no ta deseabel, pasobra personanan privá ta kambia bai hasi nan kompranan online, ku e konsekuensia ku Sint Maarten ta pèrdè entrada di impuesto.

Kòntròl riba areglo di supsidio di suèldo

Sint Maarten ta kanando atras pa loke ta trata determinashon di e supsidio di sueldo kual a keda otorgá den añanan 2020 i 2021. Durante di kòmbersashonnan Cft un biaha mas a enfatisá ku e determinashon definitivo mester tuma lugá mas pronto posibel i ku empresanan mester paga bèk e supsidio di sueldo ku nan a risibí di mas. Den 2020 Sint Maarten a paga ANG 72 mion na supsidio di suèldo na empresanan. Pa 2021 Sint Maarten ta ferwagt di paga aproksimadamente ANG 31 mion na supsidio di



suèldo. Cft a pidi e Minister di Finansa pa finalisá e kòntròl di e programanan di supsidio di gastu di suèldo di 2020 i 2021 riba 1 di aprel i 1 di mei 2022 respektivamente.

Fondonan di kuido

E situashon finansiero di e fondonan di kuido na Sint Maarten ta insostenibel. Sint Maarten mester subi riba término kòrtiku e límite di suèldo pa e Fondo di Malesa/Desgrasia (Ziektefonds/Ongevallenfonds) te ANG 120.000. Tambe mester ahustá e kontribushon di empleadonan den sektor públiko mas ku esun di empleadonan den sektor privá i mandatarionan polítiko mester bai kontribuí den e seguro di gastunan di malesa. Cft ta bolbe enfatisá importansia di supstutushon di remedinan spesífiko pa remedinan genérikó. Hasiendo esaki, Sint Maarten por ekonomisá anualmente un montante di por lo ménos ANG 6 mion.

Maneho finansiero

Manera ta konosí, maneho finansiero di Sint Maarten pa añanan largu ta supstansialmente deficiente. Cft ta konsiderá e atenshon ku maneho finansiero ta risibí den e Pakete di Pais algu positivo i e ta enfatisá e importansia di mehoramentu di e maneho finansiero den koperashon ku COHO kual ta den proseso pa keda establecé. Ta imperativo pa finalisá mas pronto posibel e diskushon ku tin ku Hulanda pa pone sosten pa e programa aki disponibel, di moda ku Sint Maarten por kuminsá traha riba e proyekto esensial aki. Cft tambe ta insistí pa kumpli minusiosamente ku palabrashonnan hasí tokante di aprobashon di e kuentanan anual.

Miembronan di Cft Kòrsou i Sint Maarten di 22 i 23 di febrüari virtualmente a hiba kòmbersashon ku Gobernador, Minister Presidente, Minister di Finansa, Minister di Salubridat Públiko, Asuntunan Sosial i Trabou i e komishon finansiero di Parlamento di Sint Maarten. Cft a papia tambe ku Asosiasion di Hospitalidat i Komersio di (SHTA) i gerensia di Seguro Sosial di Gastunan di Malesa.

Riba 21 di febrüari Cft Bonaire, Sint Eustatius i Saba virtualmente a hiba kòmbersashon ku komisario di gobièrnu suplente i hefe di Finansa di Sint Eustatius.

Resientemente dos miembro nobo a drenta e Kolegionan, esta señora Julisa Frans komo miembro riba proposishon di Sint Maarten pa Cft Kòrsou i Sint Maarten i señor Hans Hoogervorst komo miembro riba proposishon di Hulanda pa Kolegio di supervishon finansiero di Aruba, Cft Kòrsou i Sint Maarten i Cft BES.

[Fin di komunikado]

Fotógrafa:

Berber van Beek

Teksto ku foto:

E aña aki Sint Maarten mester baha su déficit riba su presupuesto i den 2023 e mester realisá un surplus riba su servisio komun.

Nota pa redakshon – no pa publikashon

Kontakto na Cft:

Sekretariado Kolegionan di supervishon finansiero
Telefòn +5999 461-9081 / +5999 461-9082 / +5999 461-9084
Email info@cft.cw
Website www.cft.cw

Persona di kontakto pa prensa:

Jefka Martina
Telefòn +5999 512-6861